

PARADA ADMIRABLE NA NOORD E AÑA AKI

ORANJESTAD(AAN)— Despues di e parada di mucha di carnaval di Aruba, siguramente por bisa cu esun di Noord a tuma segundo lugar.

E parada diasabra tabata mas grandi cu aña pasa, pero tabata falta si algun

agrupacion musical mas pa animacion di e parada.

No por bisa sinembargo cu e animacion cu tabata tin no a satisface e publico y e carnavalistanan.

Den e parada di Noord tabata tin algun grupo cu a sobresali, manera entre otro e lollypopnan, y mas Estrellas que en el cielo, y especialmente e grupo di muchanan cu sinta y cu emmer ariba cabez a haya masha aplauso di e publico.

E grupo aki a ser comenta tur caminda pa nan fantasia y creatividad.

E diferente schoolnan di Tanki leendert y Noord tambe a duna un contribucion grandi na e parada aki cu nan reina y carosanan ademas.

Den e carosanan cu a tuma parti, especialmente esun di OVNI a hala masha atencion, y e cresh,

mientras cu e burachenan di "Buracho 'n ta conta" tambe a causa masha hilaridad.

Mayoria di e gruponan di parada di Noord a presenta ayera na Oranjestad y a yuda na haci e parada mas grandi tambe. Lamentablemente tabata cu e publico na Playa ayera no a mira e grupo di muchanan cu sinta y emmer ariba nan cabez, pa asina po mira con por traha un grupo bunita, sin gastamento di placa y na mes momento presenta un grupo masha original den un parada di carnaval.

